

Platt partu:

Rundbreef 2024-12

Ik mag keen Kaneel

Deit een in'n Wiehnachtsstollen Zimt,
do keen Respekt em zollen! – Stimmt!

En schönen eersten Advent, leve plattdüütsche Maten un Frünnen!

Nee ok, wat harrn wi för en vullen November! Warrt hoge Tied, dat en beten Roh inkehr! (Spoileralarm: Dat passeert nich – Wahlkampf un Kriege överall...) Na mienen prophetischen Schüddelriemel verleden Maand hebbt de US-Amerikaners wirklich allens ünnerdrapen, wat'n ehr totruut harr, un nehmt verbiestert den [Krieg gegen de Wirklichkeit](#) op — ut [de verdrehtesten Motive](#). Uns egen Regeern hett stantepe [ok dat Handdook smeten](#); Behrend Böckmann süht al [Robert Habeck al afheven](#)...

De Nevelmaand bringt uns ja ok de "Stille Tied" — man nich mal de is hüüt noch still. [Dusend Daag is nu Krieg in de Ukrain](#); de Ukrain [klüttert an vertwiefelte letzte \(?\) Plään](#). De Christenmischen [glöövt taagnackig gegen den Krieg an](#) un versöökt [vun'n Freden to vertellen](#). An'n Ewigkeitssünndag opletzt kiekt wi [över dat Lieden vun de Welt rut](#) – in Tovertruun. Un denn stüürt de Tied op den Advent to, den wi düt Johr mit en Reeg vun [Leedöversetten fiert](#) – dat eerst is al dor.

To'n Glück besteiht de Nevelmaand ut mehr as Politik – t.B. [Laternelopen un Göös](#), [Kampf gegen dat Harvstloof](#) orr de lütten [Wintergäst, de sik opstunns sülvst bi uns inlaadt](#). In de Natuur findt sik [verstecken Schönheit](#), un [Harholt maakt sienen Naam alle Ehr](#). Op't [Kinnerflack](#) leest wi vun dat Huus, dat sik [na teihn Johr torechtschüddelt hett](#). Claus Günther vertellt [vun en unheimliche Fru](#), Meike Balzer-Fraun vun en [Italienreis mit Junglüüd](#), un Berthold Cordes [weet mit Utverschämtheit ümtogahn](#). Opletzt smitt Hans-Hermann Briese al en Blick op dat Johr, dat [in Versehrtheit un ok Troost op sien Enn](#) tolöppt; wat kümmt, [liggt in'n Nevel](#).

Leve Maten un Frünnen, wi all vun Plattpartu wünscht Se vun ganzen Harten en froh un segent Wiehnachtstied un en freedvullen Johrswessel in en nieges, godes un glückliches Johr 2025! Dor leest wi uns denn ok wedder.

Nu de Linkliste. Op de Links bruukt Se bloots klicken, dat Se henkaamt.

[Plattdüütsch Kunst:](#)

[Dörch dat Johr: Johrsenn](#). Vun Hans-Hermann Briese (30.11.)

[Notizen ut'n Braakmaand](#). Fotos un Verse vun Marlou Lessing (24.11.)

[Limericks för November](#). Van Ludgerd Lüske (23.11.)

De Welt un Gott:

[De Fru](#). Vertelln vun Claus Günther (24.11.)

[Volkstruurdag 2024: Swoor to glöven](#). Andacht vun Marlou Lessing (17.11.)

[Latern' gähn üm Martini](#). Vun Behrend Böckmann (17.11.)

[Bi't Inköpen](#). Vun Berthold Cordes (17.11.)

[Fredensdekade 2024: Vertell mi vun'n Freden!](#) Vun Marlou Lessing (11.11.)

["Komm ein bisschen mit nach Italien ...", denn kannst wat beleven!](#) Vun Meike Balzer-Fraun (3.11.)

In't [Lütte Gebeedbook](#):

[Ewigkeitssünndag](#). Vun Rudi Witzke (24.11.)

[Dusend Daag Krieg](#). Vun Marlou Lessing (19.11.)

Natuur un Wetenschap:

[Gäst in'n Winter](#). Vun Karl-H. Nissen (30.11.)

[Dat ward seggt: En Boom is hart ...](#) Vun Berthold Cordes (2.11.)

In't [aktuelle Natuur-Notizbook](#):

[Spitzendanz](#). Vun Meike Balzer-Fraun (23.11.)

[Witte Pracht](#). Vun Behrend Böckmann (22.11.)

[Schöne Utsichten](#). Vun Meike Balzer-Fraun (17.11.)

Wat in de Welt vörgeiht:

[Dei fleigend Robert](#). Vun Behrend Böckmann (19.11.)

[Dei "Frädensplan"](#). Vun Behrend Böckmann (17.11.)

[Ut un vörbi!](#) Vun Behrend Böckmann (10.11.)

In't [plattdüütsche Notizbook](#) vun Marlou Lessing:

[As neegst de Swoorkraft?](#) (16.11.)

[De Stärkere winnt](#) (15.11.)

[Woso wählen?](#) (5.11.)

[Tiedluup](#) (3.11.)

[Wahlen sünd wat Persönlichs](#) (2.11.)

För Kinner:

[Dat Huus, Deel 2: Na teihn Johr](#). Märken vun Sophie Reinheimer, överdragen vun Klaus-Dieter Tüxen (24.11.)

Hartlich gröt

Marlou Lessing un dat lütte Plattpartu-Team